《黄帝龙首经》上

黄帝龙首经序

三光, 次第, 也。 下, 兵所立,次得丙子。 坐所养之御三阴、三阳。 其居一也。 北斗维之中央, 谓龙首记三十六用也。 向巳午也。翳华盖斗名也。 黄帝将上天,次召其三子而告之曰:吾昔受此龙首经於玄女,经、章、 万物俱主各自理, 慎无妄泄使不神。 日月星也。 事不相扰乱也。 言一坎数在干。 直神后之左右。 通八风, 朱雀在神后, 敬修其神以为天宝。 吾今日告汝, 言事物唯非 吾将为汝参会其中, 故曰六壬也。使旬始将五岳。 谓八节之风也。定五行。 西乘玉衡, 右玄冥, 春游玉堂, 二名, 执法所立,次得庚子。 少阴也, 汝固能行之乎?内以自辅, 大吉小吉。回璇玑斗七星也。 各自其部分。 大吉, 天一常居太渊之宫, 谓起用也。 言向南面西六也。 临四仲时。 谓东方木南方火西方金北方水四季土更用事之比令六壬领吉凶, 谓六甲之始也。三阳。 义不相干, 遂其终始, 白兽在神后, 夏游明堂, 左明光, 言天一至尊, 外修黔首, 事不相扰, 谓三传也。 而临八方。东、西、 敌家之处,次得壬子。玄武在神后, 神后加四神。 少阳也, 传、义十有二绪, 黔首者, 凡数旬始, 固守而不行, 要正之本, 言虽有事事锋至, 言其向南面在东也。 民也。 秋游绛堂, 南、 必以五子元起,假令甲子旬肯龙在神后, 谓正日辰。 以四时气游於四方。 术与贤者。 言六壬十二经也。 北及四维也。将四七, 各以其物次第期之, 登明加四仲。 同之一首, 背太阴, 若不能行, 补吏兵士处, 盖吾所口受不传者。 冬游生死之场。 谓阴阳有四 背子亥也。向正 太渊者, 则埋之名山三泉之 谓二十八宿。 事虽聚多, 言日辰阴阳 此遁甲五方 宫名也。 l时其用 河魁。 各有 |及所 阴。 使 将 在

念勿忘,常被服饮食, 时下所在之也。 二神受气, 金木水火土,上下相当。谓神与用日辰四课上下相克伤也。 五乡也。 天罡临东方, 木青临南方, 精习也。 或处阴, 口授贤士,无传泄其章。 火赤临西方, 或处阳, 言魁罡也。各尽其正,言魁罡临人五方十二日也以处五乡。东、 金静临北方, 勿传龙首,与非其人。三子拜受而起, 死生之决, 水清临四维, 前后相更。 土盛下。 天罡为阳所临, 谓天一前后将之吉凶, 龙忽腾翥, 三子仰瞻, 皆生。 三传思之也。 天魁为阴所临, 西、南、 子且识之,思 尚见龙头矣。 北及中央, 则死也。 为

黄帝龙首经卷上

遂以名其经曰龙首云

占岁利道吉凶法第一

魁为拘,罡为检。他岁效此。若岁在子午卯酉为四仲,天道及人道皆在四维, 倍在拘检。道县官大凶。假令今年太岁在寅,大吉临寅,视天上甲庚临地乙辛为天道,天上丙壬临地丁癸为人道,魁罡临己亥为拘检; 乙辛下兵道,丁癸下鬼道。举事从天道大吉,利人道次之,甲庚是也。 阳岁以大吉临太岁,阴岁以小吉临太岁, 视天上甲庚所临为天道, 天上丙壬所临为一道, 魁罡所临为拘检。 一云天上丙壬下天道, 架屋起土, 买卖田宅, 难可移徙。 谓阳岁在子寅辰午申戌,皆以大吉临之;阴 入官舍便, 时在天道,百倍在人道,十

岁在丑卯巳未酉亥,并以小吉临之。

占月利道吉凶行法第二

阳月以大吉临月建, 皆视天上甲庚所临为天道,丙壬所临为人道, 魁罡所临为拘检。阳月为奇月,阴月为偶月,移徙吉凶,皆如

太岁法。月禁又急, 不可见犯。 假令正月建寅,以大吉临寅, 视天上甲庚临地下乙辛为天道,丙壬临地丁癸为人道, 魁临亥为拘, 罡

临巳为检也

占月吉日嫁娶祠把法第三

欲令魁临月厌, 以魁顺数左行, 登明神后大吉。 功曹太冲天罡为阳也, 以魁逆数右行,从魁传送小吉。胜先太一天罡为阴也, 阳

阳中之辰,阴中之日, 将五干,阴将六属,二谓甲乙丙丁等, 举百事, 福及子孙矣。假令正月厌在戌, 亦为日也。 六属谓子午等为辰也。阳将日杀男, 阴将辰杀女, 魁临壬癸甲乙, 为阳将五干日也。 酉申未辰巳午, 阴阳不将, 乃为吉也。日辰若得 为阴将六辰也。吉

大凶。月厌正月戌, 二月酉, 日若得丙子、丙寅、庚子、庚寅、丁亥、丁丑、丁卯、辛亥、辛卯、辛丑, 三月申,四月未#1,五月午, 六月巳, 逆行十二辰 皆阴阳不将日辰也。十二月皆效此。魁罡下辰为厌,

冲破

占月宿何星法第四

常以月将加卯为地上乙所得星右行, 如今日数止, 即月宿星也。正月一日宿在室,二日在壁,三日在奎, 四日在娄, 以次逆行,

空月尽日,月宿在壁,二月一日月宿在奎,至月尽日, 月宿在娄,三月一日宿在胃, 四月一日在毕,五月一日在井,六月一日在柳,

七月一日在张, 八月一日在角,九月一日在氏,十月一日在心,十一月一日在斗,十二月一日在女, 若闰月朔, 宿后一宿, 是也。假

令正月, 闰壁, 是也。 假令二月五日, 以魁临卯, 乙上见奎星, 当唱言奎一,娄二,胃三,勖四, 毕五, 则为月宿星日在毕也。 十 二

月皆持月将临卯, 取乙上神所得星右行数。 唯正月独卯上星数右行,不从乙也。假令正月三日登明临卯, 卯上见营室数右行, 营室一,

东壁二,奎三,为月宿星得奎也。他准此。

占星宿吉凶法第五

春三月东方七宿为岁位, 南方七宿为岁前,神枢云:传送从魁下,是也。 西方七宿为岁对,北方七宿为岁后。孟夏二星为负冲,

李夏二星为掩冲。正月、 初春、 夏、 秋、冬效此。岁位、 负冲、 折冲、 掩冲、 岁前、 挟毕, 皆凶岁;后、岁对、天仓、天府,皆大吉

日;辰虽凶,不能为害也。

占天仓天府法第六

常以天罡临月建,大吉下二星为天仓, 魁下为天府,小吉下二星为致死。仲月无天府及为冲星,孟月无致死及折冲星,季月无天

仓及为英星。天仓天府举事,德及三世大吉。致死、负冲、奄句、芒星举事,致死丧大凶

古天一日游所在妇人产避法第七

下为日大将, 戌日上天游, 徙居东南。 天一日游, 维六日以丙寅日徙居南方, 功曹下为女薄, 不在中宫。 以戊戌日上天,六日以甲辰日下地,中宫居东室, 乳妇要须出 太冲下为宫星,天罡下为天候,太一下为招摇, 五日以辛未日徙居西北。 当避之所在之方, 莫向之也。 维六日以戊子日徙居北方, 五日以己酉徙居东北。维中六日以乙卯日徙居东方,五日以庚申日 凡产忌法, 胜先下为轩辕, 常以月将大时, 五日以癸巳日入中宫居西方。 小吉下为女夭, 传送下为雷公, 月将下为咸池, 神后下为丰隆, 五日又以戊 从魁下 大吉

占神月空剧乳妇庐法第八

为月饮,

河魁下为日刑

刑、 招摇, 地下,皆空吉可居也。 戌戌刑、未未刑, 常以璇玑加三五孟, 从魁下为月杀, 皆避雷公、 河魁下为雷公, 丑逆刑也。 谓寅午戌之月则加寅, 子刑、 招摇、 登明下为成池, 轩辕、 卯卯刑、 申子辰月加申, 成池、 子互相刑也。 具 时、 神后下为丰隆。 丰隆、 巳酉丑加巳, 孟月以功曹, 天候、 又为昊时时刑者, 时刑矣。 亥卯未加亥。 天罡下为天候,太一下为轩辕, 小吉下为 仲月以神后, 寅刑、 季月以魁临月建, 己巳刑、 申申刑, 视天上丙壬。丙壬所临 寅无恩之刑也。 丑

占知臣吏心善恶法第九

上神, 以问时事, 阴得吉。 占之一云: 天罡加月建为重阳, 神将有王相气、休气,上下相生,与日辰上神不相克, 天魁加太岁为重阴。 罡临太岁为阳覆阴, 则臣下忠孝, 常怀爱上敬教。 臣欺君。 魁加月建为阴覆阳, 日辰上阴神得凶, 君欺臣也日辰 将有王相:

太冲。 腾蛇辰上, 比为用。 大吉为神之阳其阴上见传送也得魁, 丙上遇前三之将也。 传送为临, 下贱其上。又今日之辰, 贪污慢欺朱雀, 故用神后子, 辰上阴神为发用也。 壬日上阳神也, 太冲临午, 巧言令色, 取有两子之比, 自贼其日及辰, 皆上下相生自和, 午上得前四之将也。 大吉。 天罡勾陈, 魁为凶神。 主忧从外来之事也。 为临辰, 持上罪过, 阴上日神贼上神, 辰之阴上神后五之将也。 辰上阳神也, 遥生日辰上阳神, 功曹阴上神得登明, 魁居白兽, 假令六月壬辰日, 传送阴上神, 此臣下不忠顺, 功曹太冲, 欲为大乱。 今日之辰复贼日, 将得天一。 得太一日之阴神, 日入时, 此为臣下忠孝, 假令九月丙午日中时, 奸猾难折勒骄, 天一居日之阴神太冲, 胜先临酉, 谓辰土贼壬水。 太一发用也。 安上爱下也。 常有篡弑之心也。 酉上遇后一之也, 占臣下心意何如? 此为臣子不忠孝, 上神得神后, 上克下。 此亦是雨神克日, 以此酉时天一乘 假令阴上神登明 又遥贼日 将为腾蛇 功 曹临 谋欲乱 以日 芮 Ŀ 神

占人君欲拜署五官法第十

君,

以钱财之事,

他效此

神。 皆为水官卧曹, 谒木官曹吏; 无令土神临君年, 金克木故也。朱雀告言口舌事也。 记吏当谒时, 为木官户曹, 无令所谒之官。 为火官外部吏;及内不属五曹者, 谒金官曹吏; 无令木神临君年。 伤君年上神到王相时, 利秋金王时, 必为所言於上府, 为君忧患。 假令君年立巳, 皆属功曹, 以君年上神, 皆效之功曹庭掾, 为土官 当谒金官曹吏。 将为所忧形状, 为土官曹库吏,为金官狱曹、 时功曹临巳, 当谒水官曹吏; 无令火神临君年, 将为朱雀, 贼曹、 为伤君年上 仓部曹;

占诸君吏吉凶法第十一

可用也。 在外;青龙太常生日, 为月期, 所出门上神贼人年上神也。 拜官署事, 与日辰相生, 离青龙七辰为七月青龙。 将及小吏, 甲乙墓在未, 以青龙所临辰为时期。 始到官视事时, 不欲相刑克。 始入官临政视事时, 丙丁墓在戌, 迁在内。 所居之神主土,其日戌巳青龙加辰为时。 神枢云: 文官视事, 始从魁临丑。 内者, 假令从魁临未, 庚辛墓在丑, 慎无令人年上神。 欲入文官、武官, 坐迁增秩。 青龙在胜先。此谓与日相生, 此谓人年上神贼初拜除日也。 而文官欲入官视事, 壬癸墓及戊己墓, 即不备此法者, 贼初拜除;日又无令所出门上神贼人年上神。 必今日辰阴阳中, 慎无令魁歪、 期后三岁七月戊已日辰时, 并在辰。 必迁日辰阴阳传中, 胜先为青龙临辰, 假令人年立亥, 及用传中有青龙、 神枢日凶期, 剩蛇、 白虎、 小吉临之, 以甲柑生法迁增。 宜视其神所言之。 以青龙太常所畏为忧期, 太常者, 玄武临日辰, 人年立行恶加其墓, 迁太常效青龙。 而南之午地视事时, 吉也。 文官欲得青龙, 利日离青龙三辰为三岁辰 假令人年立丑, 欲知迁官, 月生青龙、 武官欲得太常, 以四时之气休老 离青龙、 功曹临午。 太常, 以甲乙日 为 迁 太常 即不 此

占诸吏吉凶迁否法第十二

囚死为所坐轻重,

他效此

且免官; 以月将加时日辰, 退罢囚气, 且系上下又相贼; 及人年上得吉; 神将上下相生,即大吉。其神又有王相气时, 有罪死气凶恶神, 传得吉神将有救, 为忧外, 日上神将王相吉,为迁。年上神将王相吉,亦迁。 加王相之乡,为得迁。 非此者, 皆凶。 得休气,

在向后五日, 日年上神皆凶, 辰上神虽善, 若五月, 他效此。 为不迁。日辰年皆吉,为迁不疑也。欲知迁期,以魁离今日之辰为期。假令今日之辰是寅,魁加午,为 金柜云: 迁不迁问何官?谓问文武之官也。 说曰: 日辰上皆有王相气, 迁文官。若阴上神有王相

迁武官。日辰及阴上上神俱相,重迁。用神加孟仲,迁在内加季官迁在外。

占诸吏君安官舍欲知家内吉凶法第十三

日辰上之阴得吉神将, 有王相气者吉。 休囚皆凶, 次神将言其形状。 假令得天魁为白虎, 主死丧;玄武,言亡遗矣。欲知衰吉是

谁, 以年上神言之,阳神为父, 阴神为母。 神枢所谓: 安不安以神士向, 则是此之例也

占诸吏安官否法第十四

日辰人年上得吉神将,休气上下相生者为安官。其有王相气迁。其神将凶有王相气, 上下相生, 亦安官。上下相贼, 不安官。吉

以月将加月建, 行年上见休老之气者, 免官。 神枢云: 日辰阴阳俱囚休废者, 当失职矣

弥不安也。得传送,有行来事;得朱雀,

口舌、言讼事;

得玄武、亡遗、

盗忧、疑事也。

光明符云:

神凶将俱有气,

又上下相贼者,

占君吏欲刑戮举事法第十五

人君及部吏欲得行刑,推问当事时,无令天一吉神将,及王相之气临今日之辰。吉神者,谓功曹、胜光、传送、神后、大小吉也。

吉将者,谓天一、六合、青龙、太常、太阴、天后也。皆不可使临今日之辰,与辰之阴。又辰阴上之神,不可使克。人年上神克人年

上神, 必还害身也。假令人年立未,太冲临之今日之辰巳也。大吉临巳,大吉。阴在丑,从魁加丑,此为阴上之神克人年上神。法行

此事, 吉神将及王相气临今日之辰,与辰之阴上神贼人年上神, 谓从魁克太冲也。 殃及后嗣, 害子孙, 人年, 谓人君及部吏之会也。

他效此。

占诸郡县有盗贼否法第十六

正月辰时, 腾蛇临今日之辰。若玄武在日辰阴阳, 皆为有贼盗。欲知何党贼,以用上将言之。用得白虎,杀人贼;朱雀,烧人贼;

玄武, 小盗。 在阳且有在阴, 已有传得六合为不发。若用神为囚气, 所胜狱囚且坠亡。 君欲谋下害吏者, 皆以用神处其福奇所在。假

令功曹为用,而得勾陈,当有贼在东北角。他效此。

占诸杀人亡命可得以否法第十七

以其杀吉时,正月辰以玄武为主日辰,又其上神有制玄武者,为得日辰。上下不制,玄武所临, 为亡人。假令二月丙申日人定时,

河魁加亥, 有杀人者。 时登明为玄武阴临子,亡人在北方。丙上得天罡,申上得小吉,皆为土神, 并克北方。能制登明法,为戊己日

得。他效此

占被盗无名盗可得否法第十八

甲子日人定时, 小吉为天罡阴上神, 以其亡时占之。若不知亡时,以人未古?时占之。正月时, 功曹加 小吉即盗也。 亥。 亥上得后五将。 家在西南, 此时射盗, 为人黄色、 太一为太阴临甲, 羊目、 多鬓、 以玄武、 好出行。 阴上神为盗神, 太冲为太常临子, 今日甲木也, 日辰及年上神有制盗神者, 天是为玄武临丑。 为制盗神。 子上神得太冲, 法以玄武阴上神为盗贼 可得。 太冲木也, 假令十月

占闻盗吉凶亡人所在欲捕得否法第十九

亦克盗神。

凶盗不出

刑中也,

必得之。日辰及年上神、

不制盗神及玄武者,

贼不可得也。

他效此。

维也。 水攻火,又建今日辰,及起其后二,攻其前四。假令今日甲子后二在戌,当从戌攻辰,是也。又无令囚对王相攻, 酉上东向, 并克玄武所居神为得。 未时,太冲、 以闻知之时, 他准此。 击卯地必胜获之。 加未, 为囚死当王,一 射之今日, 闻贼在其家。 贼不敢格战, 日辰、 他效此。 如秋甲乙不可西向攻盗贼也。 魁为六合临甲, 上神有克玄武所居神者, 当将兵马围贼家。 假令五一月甲寅日巳时, 功曹为天后临午, 时兵马王当居神后上, 即 得。 必以阴攻阳, 小吉加巳魁, 日辰及其上神无贼玄武所居神者, 天罡为玄武临申, 背子亥登明、 为玄武甲寅木日辰也, 击胜先下也。 天罡土神也, 神后, 假令到贼家时, 向胜先、太一攻。此当慎之。自五月 并制玄武 甲木日也。 不得。 假令九月甲午日, 神后临酉, 贼必不敢斗也。 功曹临午之木神也, 言夏壬癸不可向四 宜居贼家。 日昳 法背

占问囚徒知得实情法第二十

己下,

皆式经正文

功曹, 申地传送, 今日甲木制辰土, 假令神上将得天空囚, 正)月时, 下置囚於勾陈, 为白虎在亥, 四面有席, 功曹在巳, 忍痛怀漫, 及天罡、 疑欲令今日之日, 已问囚宜于亥地。 青龙居胜光, 白虎, 得朱雀囚 下必令玄武居无气之神。 自制其辰。 上为玄武临丑日, 临於酉, 空言自诬得胜蛇囚, 责问囚。 如甲辰、 甲克土, 时吏宜居巳及酉, 丁酉、 即玄武所居之神, 惶怖稍伏得白虎自杀。 乙丑、甲戌、 土神畏今日甲车。 天罡在未, 畏今日日辰, 戊子、癸巳、 有王气问囚, 假令正月甲辰平, 未上得六合将勾陈在申, 及青龙所居神囚, 丙申之例是也。 囚不敢欺也。 且登明 问者, 即 加寅。 翰冒 他效此 使囚居未地。 辞不敢更言。 吏居青龙及 吏欲问 囚 若

占六畜放牧自亡不知所在各随其类以其亡时占之第二十一

午九, 登明, 纵, 及物类神者。 自放责胜先, 人欲隐藏之。 正月时, 在所畏之地为拘系, 丑未八, 为制胜先法。壬癸、 马责胜先之地, 胜先临卯, 欲知远近, 为得不制者, 寅申七, 卯酉六, 式经云: 以其物类神所临: 在所生所喜之地为人逃匿之。 亥子日寻得。 不得其物类。 牛责大吉大责。 辰戌五, 东西南北各归其世是也。 假令先得 壬癸, 神自临其日辰者, 乃至巳亥四, 上不相乘为道理, 河魁鸡责从魁, 天一顺治责胜蛇, 壬癸日得; 此并为道里数也。 为在东方。 为归家。 羊责小吉, 数日辰上制物类神, 先得亥子,亥子日得。 其神与白虎, 胜先为午数九, 堵责登明。 逆责玄武, 他效此。假令今日日辰上神但致玄武、 为得日期。 并临囚死之地, 欲知东西南北, 为各随其所居神、 卯数六, 又一法, 假令三月壬申日中时, 六九五十四里。今日之辰, 为死亡。 各随其神所临。 以其神所来, 日辰、 其神与六合、 上神, 剩蛇; 乘为道里数。 在所胜之地为放 有制胜 从魁加午时。 太阴, 不制物类之 申上 蛇、 临子 并为 玄武 神得 马

神, 后为屠, 合责胜蛇居天罡而 亦为得。 太一为斧。 若制玄武、 加 刀临项死, 卯, 腾蛇, 太冲为辰之阳神而克天罡。 头临项不死, 玄武等亦得。 屠临釜死, 两制者, 此为日辰上神制胜蛇, 保十必得, 釜临屠不死也。 无疑也。 假令六日壬寅日巳时, 所失堵果自归。 物类若驴骡, 当责太冲也。 为登明加戌戌, 占失堵。 一云从魁为刀, 天一 与亥相近, 居太一而 故也。 加辰, 太冲为项, 他效此。 为顺治; 神

占诸欲知病人死生法第二十二

同类, 日者, 白虎所居神, 病者皆愈矣。 今日为愈。说者云: 为元辰。 以今日日上神诀之。 而贼初病日, 常以其初得病日 死。 为安久。假令甲子日占病, 假令阴命未生男, 又魁歪为白虎加病人元辰者, 功曹、 金也; 及病人年、 时, 今日日上神克病人行年, 白虎生初病日, 时秋有气。 太冲为白虎者, 占之。 白虎、 即从未至子, 假令胜蛇、 若以甲子日占之, 虽年及甲上有火神, 阴上神, 登明、 此为同类, 病日生白虎, 立死。 神后为白虎者, 为前六后八。 又有气佐白虎, 白虎、 及年上神者, 为病久。 白虎非必在日辰阴阳中也, 魁罡克初病日, 皆为病愈。 他准此。 白虎、 此为白虎生病日, 共克病日人年者, 死。 白虎贼病日人年,一一皆死。 阴阳皆有气, 白虎所居神, 阳命男, 及占日日上神, 火将恐死。 阴命女, 病者不死春。 视直所居神, 急呼妻子出, 并伤日, 贼今日, 谓火至秋无气, 人年所立辰, 以前八后六为元辰; 立死;不伤, 及人年上神, 以胜先、 与病日人年相克以否。 病者必不起, 白虎与病人年日辰相生, 辰上神者, 太一为白虎者, 恐不能救有气也。 立起。 亦死。 阴命男, 立死也。 白虎无气, 皆为死。 若独贼病日之辰, 假令不知初病时日, 阳命女, 死气为白虎克人年病 此为病日生白 白虎所居神王相 此并式经文也。 皆为愈; 病者愈。 以前六后八 与病日 不克, 假令 虎

病。 时, 愈, 墓在未, 若天罡加子为墓临其年, 假令不知病日人年所居立之辰, 辰人年临其墓, 天上甲乙临未, 日人年者,死。 庚辛日死。 丙丁巳午火墓在戌。 亦为死日。 又天一为用, 人年上神王相克白虎者, 为日入其墓。 皆死辰。 人年所立辰之阴阳神入其墓者, 余支干准此之例也。 生气在丑未。 以今日用神诀之三传, 若小吉临甲乙, 墓效日墓之列。 辰戌之日腾蛇为用, 愈。 为墓其日也。 又一法, 病日生白虎者, 小吉木墓, 终於白虎。 用神始终, 亦死日。 河魁火墓, 假令病者, 死在巳亥日。 亦愈。 若日入墓者, 墓还临其日辰者, 得日墓皆凶。 白虎生病日者, 大吉金墓, 年立子问事时, 他效此。 为知吉凶期, 天罡为水土之墓。 天罡击今日日墓, 亦死年。 又一法, 死。 神后临辰, 以用神言之。 白虎与病日同类者, 不知初病日时, 墓还地年者, 为年所立之辰, 式经曰: 为墓门开, 假令功曹直用, 亦死。 白虎、 以人来问时占之, 亦死。 为之安久也 假令甲乙日 阴阳 阴阳有气, 甲乙寅卯木 神入其墓 当丙丁日 射 Н 伤 病

占知囚系罪轻重法第二十三

者, 解。 於勾陈, 贵人救之,元罪。 式经云: 传入其狱为有罪, 假令起功曹, 有所勾连。 先建系日日辰、 终於休气, 终於河魁, 终於玄武, 传得他狱为移狱。 阴惕, 罪重。 为移狱。 置辞而亡。终於天空, 风取其当者, 终於囚气, 法以初系日占之,各以其所犯为坐。假令斗伤人,以勾陈杀人以白虎窃盗以玄武相告罪名以 所为狱者, 加罪。 而传其始终。 墓也。 空无所有。 终於死气, 假令功曹、 终休罪重, 有实也。 先重后轻。 太冲小吉为狱, 终因加罪, 终於白虎, 终於腾蛇, 终死罪重后轻。 登明、 被罪至死。 罪重, 神后即天罡是其狱。 无疑必死。 终於吉将, 正日时, 终於朱雀, 传得其子为有救, 视用神终於王相之气, 他例此。 数见掠笞。 所谓 移狱 罪 终 得

相气, 者, 狱, 朱雀。 用神传, 传勾陈得系日子, 甲乙日系, 即被论罪也。 传勾陈之阴, 谓金玉故也。 假令犯坐伤, 终为有救神期也。 天一居小吉临未; 母人将哀一反, 若勾陈居土神上者, 得白虎, 天罡为勾陈加卯, 以勾陈所居神贼系, 假令七月己未日酉时, 白虎所居之神与勾陈并贼, 系日丙丁, 可为上书也。 此为系日胜勾陈, 传得其母。 天一临戌; 日即论也。 假令七月己未日食时, 天一治神后加於辰, 谓辰上得太一 系日贼勾陈者, 系日庚辛, 其系日者死。 即免被论罪也。 也。 天一 临丑; 勾陈与日同类, 式经曰: 不论也。 太冲亦加今日日辰, 传送为太常临巳, 传勾陈之阴; 系日壬癸, 假令以甲乙日系勾陈所居在金神上者, 勾陈与日同类, 法为安久。不然, 得天一, 天一临辰; 谓日辰上共得后四之将。 神将不相刑, 为系久。 天一生系日日辰者, 系日戊己, 天一亦临 蒙听令。 传神得其狱者, 有王气传得其母, 欲知吉凶之期者, 神将不相刑又有王 此为勾陈胜系日 为贵人救之也 必论。 辰; 登明加 为必离讼 假令以 以 卯

占诸欲远行使出吉门法第二十四

故也。

勾陈与日同类,

法当系久。

然蒙得出传,

而得传送天一,

为移狱也。

又到日无令贼初发之时。 小吉伤登明, 不可伤行者年上神。 始行时, 欲令今日日辰人年上得吉神将, 此为门上神伤行者年上神也。 门上神者, 假令始行之日, 所出入门也。 以甲乙时加寅卯, 门伤行者之年, 有王相休气而出小吉, 假令八月甲申日时, 道必有殃。 慎勿以庚辛日申酉时到也。 卯正日时, 得传送下, 年伤门, 行者年立戌, 行者不安, 即大吉。慎无令魁罡临所出门上, 若到时, 必有疾病而还。 戌上得登明, 贼初发之日咎及先君。又勿令阴阳中 欲伤行之午, 此所谓年上神伤门上神也。 所出门上之神, 午上得小吉, 又

耗病; 绝其类。 直视传送上有吉将, 所求不在白虎, 谓凡欲出行, 亦吉, 死丧。 欲令日辰阴阳中有传送, 不可有恶将也。 他效此。 又法, 假令遇凶将是腾蛇, 欲将帅出行, 传送上遇吉将, 欲令天罡临四季为神枢, 则行者吉; 有凶将, 为惊恐; 朱雀, 口舌、 则行者凶也。 外百事吉。 拘留; 勾 陈, 神枢又云: 元令所之之乡伤其年, 假令行时, 见斗战; 玄武, 传送不在日辰阴阳中, 亡 遗 ; 天空, 乃 见

占诸欲行求事者第二十五

有喜。

假令欲行,

行人年立四季,

此为所之之乡伤共年也。

他效此

也。 法欲有求作者, 年立巳,而今日丙寅, 以始行正日时, 故式经云: 展上神伤其地年所求难得, 欲令今日日辰阴阳及用传中, 元令今日辰上神伤行者年之所立地辰, 神后临寅, 此辰上之神伤人年所立地辰也。 后自亡遗 有其事类。 事类者, 所立地辰, 谓求财。 假令是日时, 亦勿令伤辰上神。 欲得青龙小吉, 神后临寅, 若伤辰上神, 求缯彩; 人年立辰, 欲得太常, 是谓相刑, 此为年所立地辰伤辰上神也 求蚕; 其事不成也。 欲得胜光之比 假令

占诸望行者吉凶来否第二十六

地, 期。 必当视所至地之阳神, 假令望酉地, 人太 一加午为已发, 人从魁加戌为巳发, 加酉为得限, 以卯为限, 当来以子上神为至期。子上得传送, 以子午上神为至期。东方、 加子为半道, 加卯为得限, 南方以酉为限,子上神为至期。 当来以午上神为至期。 期庚辛申酉日至。 假令望寅地, 午上神得神后, 西方、 北方以卯为限, 以壬癸亥子日至。假令望巳 人功曹加酉为来;望申地, 午上神为至

为本, 中 占, 雀 ; 来也。 孙, 系日辰至逆系、日辰, 内望外人,以冬至辰之阳神临今日日辰, 之远近, 行人当之为四百里也。 则不来。 今戌上见功曹, 人传送加卯为来; 临戌为末, 望行道还, 用得巳午神者, 以六合; 临卯为中, 要所至事类, 皆以计神占之。 假令 壬癸日, 望友及夫、 皆为来也。 则寅上至。 以胜蛇; 临未为末, 望子地, 为将至; 度为不来。 他皆仿此也。 用起天是、 为不至。 钱财、 计神者, 望斗战; 假令太冲临午,当以丙丁巳午日, 人神后加卯为来; 皆来。 说云: 用亥子神者, 二千石等, 所谓逆顺者, 所为事类者, 河魁是也。 为遇墓。 以勾陈并以所加今日日辰, 假令胜先临亥, 一说云: 应至而不至, 日辰与太冲临未, 遇墓, 为背日; 以青龙; 故金匮云: 假令望西方人,天罡系北方,东方日辰为顺, 魁罡离初发日为期日, 望午地, 望贵人, 即止而不来。 乃用此法也。 望盗, 当以壬癸亥子日, 背日为不至也。 以天; 人胜先加酉为来; 数以魁离日, 皆为来。 以玄武; 至月期五月。假令冬至以午, 以比为来; 传以为至, 亦为望父。 史苏经日: 又云: 占行人以生王为至期。 假令夏至以卯, 金匮云: 临而发日, 望死丧, 假令魁加未, 至月期十月。一法, 皆以子午上神为至期。 望父母, 卜外人以生王而至, 至不至问前四。 以白虎; 即日至也。 以太常; 未数八, 卯之阳神太冲、 其度限为不来也。 望奴婢, 又法, 望行者, 午之阳神, 顺即来系南方, 望兄弟, 魁数五, 假令用起水神, 言甲午日前四戌戌上所见神为至期。 卜家人遇墓亦至也。 诸望行者过限, 以天空; 居外望内人,以夏至辰之阴神; 今日丙丁太冲临寅为本, 天罡系今日日辰, 以太阴; 五八四十为吉, 胜先也。今日甲乙, 集灵记云: 下亦同使。 西方为逆; 逆不来也。 则甲子日至。 望妇女, 皆以为闻其闻, 几望行人以甲乙日 凡占吉凶赊促所 望吏捕人, 凶在四十日内。 为今日至, 以天后; 遇墓者, 胜先临 临午为 以朱 望子 为 不 天 顺 居 假 亥

常, 至期。 道左游天罡为逆, 为钱财、 凡所望神入其门, 酒食, 天罡临月辰, 为吉。 即为至。 他效此。 人年悬门候之。望西方、北方人, 凡望不至者, 假令白虎为死丧, 皆云刑人以刑。 勾陈为斗战, 假令望寅地人, 以卯为门,午上神为至期。 朱雀为口舌。 寅上有凶将, 对吏望, 吉人得吉将, 望南方、东方人,以酉为门, 以凶事留; 凶人得凶将, 有吉将, 以吉事; 即来。 子上神为 有青龙太 他效此。

占诸欲知行者吉凶法第二十七

墓者, 知行者年, 审 ·知行者, 皆凶也。 以日为行者身, 年所立辰之阳神与吉将, 假令行者, 年立寅, 辰为行者日之辰阴阳, 占时, 并临有气之乡,上下相生, 而功曹当与白虎, 得辰之神阴, 并临未者, 为与吉神将并#2, 即吉。 此为与凶将并临其年墓也, 无过与恶神将, 即吉; 与凶神将并, 并临囚死之乡, 大凶。 即凶也。 上下相贼, 日暮假之。 又临年墓、 又一法, 若不 日

占诸行者欲知家内吉凶法第二十八

正 |日时辰, 上神之阴, 得吉神将, 王相休气, 上下相生, 即吉; 得凶神恶将, 即凶。 以其极而论之, 假令得白虎, 死丧事;得大

吉及休气,为耗病;各以善恶将言之。他效此。

占诸架屋举百事吉凶法第二十九

胜先、功曹在日辰阴阳中, 正日时, 无令今年太岁阳神, 与日辰相合, 临今日日辰及欲所治地, 即大吉。 非此者, 即十二岁灭门。又无令魁罡、 皆凶。 欲入庐舍,效此。以日辰上神将, 腾蛇、 白虎临今日日辰, 言其吉凶将, 大凶。欲使大吉、 得白虎, 多死丧。

屋及盖屋。 朱雀与登明、 将得玄武, 太冲为太岁阳神临甲, 多亡遗。 天一并、 将得勾陈, 合宅见诛。 多们讼。 将得朱雀。 直用神传中, 将得朱雀, 魁为玄武临酉, 有救。 多口舌、 为后起者, 县官,。 日辰阴阳中无大吉、 当避之。 将得腾蛇, 假令今年太岁在卯, 胜先、 多怪。 功曹。 将得天空, 多衰耗, 又太岁阳神下临日, 八月甲戌日日出时, 治生不成, 以举百事, 天罡 六畜不蕃息。 加 卯, 大凶 欲架

占宅舍可居否法第三十

假令是日时,

欲治寅地居,

为在太岁阳神下,

亦大凶也。

他效此。

正日时, 视日辰上神神阴, 得吉神将, 有王相休气, 上相生, 可居吉。 若凶神, 有囚死气, 上下相贼, 即凶不可居。 以尤者, 言

其形状。假令白虎,死丧;天空,虚耗。他效此。

占田蚕种五谷好恶法第三十一

得吉神将, 传中有其物, 胜先, 正 百时, 麦以传送、从魁, 得天一所居神与太岁上神相生胜先, 欲令今日日辰上神多王相气, 必成熟也。无令魁、 稻、 罡、 大豆以登明、 剩蛇、 与所欲为物类神相生。 白虎、 神后, 即大吉也。假令太岁在辰,四月戊辰日中时, 囚死之气, 麻以大吉、小吉。 临日辰者凶。物类者, 又欲天一所居神, 假令欲占蚕, 与太岁上神相生物类神, 日辰阴阳及用传中有胜先, 谓蚕以胜先, 传送临午, 禾以功曹、 占蚕善恶何?如胜先临 即大吉。 太冲, 因而三传胜先, 日辰阴阳及用 黍、 小豆以太 辰, 皆

此为有其物类。太岁上神自得胜先,将得青龙神将相生,天一在大吉,不与胜先相克,则为大岁。日辰上神皆有王相之气,无有灾害,

诸物类等, 并效此。 也若物类神与太岁上神相贼, 天一所居神克日辰, 阴阳中无其事类, 则为大凶败也

占今年举百事商贾田蚕法第三十二

皆以日辰及家长年上神将, 言之。假令得传送青龙及王相之气,可为商贾。 得胜先大吉神将, 皆宜田蚕。 亦以所欲为类神,上得

凶者言。所生得玄武,为亦遗。余效此。

占诸市贾求利吉凶法第三十三

得与年相生,多王相之气者, 北出传送下,大吉利。虽先备二吉一凶,可用。务令日辰人年上神, 人年立辰。传送为青龙临子,此为有其物类。其日辰与人年上神, 神不相贼, 与今日日辰上神相生者吉。太岁上神不克人年上神,人年上神不制青龙者吉。又欲令所往至之地, 正日时, 市估有利。假令九月戊子日日映时,太冲加未,欲为估市, 欲皆令今日之时辰上神及人年上神与所欲为市买物类,相生者吉。又欲今日日辰,阴阳中有小吉、 即有福, 估市有利。不逢贼盗所居, 及青龙所居神相生,大吉临人年, 见好所欲皆得。但青龙居有气之神,而加有气之乡,即得财。 相生物类者, 人年立己,太岁在寅,大吉为天一临於戊,戊寄位在己,己即 可用也。式经云: 审问所之之乡, 东西南北四 上有吉神将, 魁临太岁,不与人年神相贼, 青龙,青龙所居神, 有王相气, 与人年上 若青 维, 而

龙制人年,

即无所得

占诸欲畜集何者好法第三十四

正日时, 各以其事类, 在日辰阴阳及用传中有其物类,类又与人年上神相生者吉利, 可为畜积也。直用神始於无气,终於王相,

即前利少后利多。 非此者, 布帛以神后, 皮革以白虎, 皆凶。 田蚕以胜先。 所言物类者, 假令七月甲子日鸡呜时, 粟以木神, 黍、小豆以火神, 太一加丑, 谋欲收麦, 天罡加子, 麦以金神, 麻以土神, 阴上神得传送, 稻、 大豆以水神, 传送金神为麦类。 丝绵以太常,

在用神阴阳中, 人年立申, 申上得神后, 与传送相生为物类。与人年上神相生也, 是为可收也。 用起天罡, 天罡气休老传终, 皆得王

相气,为后多利。他效此。

占诸欲畜生类可得否法第三十五

正日时, 视日辰上神, 无魁罡、

腾蛇、 白虎, 即吉, 可畜收。 视其物类神, 王相临有气之乡,为吉多利。 魁罡所加, 不宜畜也。

假令魁罡加未,羊不可畜;加亥,堵不可畜。他效此。

占欲买车舟吉凶何如法第三十六

正日时, 视日辰上神阴阳及用神传中有六合、太冲,与吉将并合,又与日相合者吉。可乘为使利主,与凶将并贼今日者,损主,

勿乘之。假令太冲与玄武并者, 乘而亡之;与白虎并,数载死人,宜丧事。他皆效此

黄帝龙首经卷上竟 原『未』字误为『朱』字,原『并』字误为『井』字,据前后文改。

《黄帝龙首经》下

黄帝龙首经卷下

占马吉凶法第三十七

正日时, 以胜先占之。胜先与吉将并临所生之乡,即吉;与凶将并临所贼之乡,即凶;以胜先上将及所临之乡,吉凶深浅, 言之

也。假令胜先与青龙、太常,并临木火辰来未之地, 即吉, 是为良马也。若临金乡,即咬人;临戌,踬戾;临水, 为病; 临丑, 喜走。

惊败事。他皆效此也。

占牛善恶法第三十八

与玄武并,因放自亡;与白虎并,且死;与胜蛇并,

正日时, 以大吉占之。大吉临木,为病;临火,且惊, 以得卖; 临金, 且欲卖之; 临水, 田牛也; 临土, 畜也。若天地昤, 且用

神与天一并临有气之乡,且入县官。与白虎并, 为自死; 与勾陈并, 为抵触人; 与胜蛇并, 时时苦惊;玄武并, 且亡遗。 他效此。亡

遗责大吉,大吉湖神也。一法,又责辑星下,亦责太冲也。

占羊可养得否法第三十九

正日时,以小吉占之。加金欲畜之,加木欲杀之,加火可畜,加水为衰耗。与吉将并临有气之乡,即吉。与凶将并,即凶。 得白

虎为死,加寅戌数逢狼,加辰入墓亦死。

占猪善恶法第四十

以登明加巳午, 即放;加水乡,溷豕;加金木, 可畜; 加土, 为病死; 加王相乡, 欲与天一太阴并, 为祀豕也。与凶将并临囚死

之乡, 为 凶 。 登明与白虎并, 即走失。 欲知生死, 以气言之。有生气生, 有死气死。 自死与胜蛇并, 为惊亡。 加日辰、 人年、 人墓亦

死。占亡失, 登明加酉, 不得。 责未上从魁, 不得。 责巳上小吉日辰阴阳能制之, 即得。

占犬可畜否法第四十一

正日时, 以河魁占之。 子能捕鼠, 加卯能走猎, 加巳午善声, 加未能斗, 加辰自死, 加亥卖之, 加寅狂走, 加戍喷人。与太阴并,

为用祷祀也。

占鸡可畜否法第四十二

正 苩时, 以从魁占之。 加未能国, 加金水可畜, 加丑为自死, 或被杀, 加辰为子,加未欲用祀。与吉将并临有气之乡,即吉。 与

凶将并, 又临囚死之乡, 即凶。 假令与胜蛇并, 为好惊作怪祟。 与朱雀并, 非时好吗。 与勾陈并, 雌鸡坐呜。 与玄武并, 且亡走。 与

白虎并,为狸所食也。

占奴婢下贱利主否法第四十三

正日时, 视其日辰阴肠及用神、 传中、 从魁, 与吉将并, 有王相休气,与今日日辰相生,宜主。直用神上贼下, 皆为吉, 深利亲

附, 甚蕃息。 从魁不在日辰阴阳, 及用神传中又与恶将并, 而贼今日,又用神贼上,其为慢谄, 欲害其主。假令八月壬子日日跌时,

时古下贱者, 天罡加未, 占奴婢吉凶。传送为玄武临壬, 皆好。 假令十月乙卯黄昏时, 从魁为太常临子, 功曹加戌, 上贼下, 从魁与壬而王相相生,又在日辰阴阳中,胜先为用而临酉, 从魁为六合临已, 不在日辰阴阳中, 又贼日小吉为用临卯, 上贼下, 下贼上, 此

占买卖财物六畜知售否法第四十四

皆为慢诞,

欲害其主。

可畜也。

牛 所。假令今日日上神贼大吉, 卖牛。太冲临庚, 买者可得。 小吉临水, 欲使今日之辰王相;买者,欲使今日之辰囚死;皆令物类之神在日辰阴阳及用传中, 若物类神不在日辰阴阳中及用传中, 阴上神得功曹; 阴上神得河魁; 客不肯取, 胜先临亥, 阴上得大吉; 为在阴肠中, 登明临辰, 辰上神贼大吉, 主不肯与; 日辰上神俱贼大吉, 妄有所语。 阴上得胜先;大吉不在日辰阴阳中, 又与日辰上神相贼, 买卖俱不得其所。假令十月癸亥日日映时, 又与辰上神不相贼, 是无其类也。 日辰上神皆与大吉相贼, 卖之与买, 与今日日 辰相生, 他效此 两得其所。 功曹加未, 即吉,卖者, 假令是庚辰日, 买卖两不得 占人买卖 可售, |

占人亡所在吉凶法第四十五

临日辰, 有甲申之例也, 正日时, 与妇女欲饮酒。 视所问人乡上神与今日, 则所问人在矣。假令午上神得大吉,无甲丑,为不比,所问人不在。又一法,欲行诸人家, 天罡临日辰, 比者在,不比者为不在也。假令今日甲也,若问午地人在否?午上神得传送, 在后家欲讼钱。太一加日辰, 其作小车若木器。一云近出欲远。小吉临日辰,其人在林上外未 知人在否?正日时, 与甲为比, 比谓 神后

起。 传送临日辰, 行不在。从魁临日辰, 在后家。天魁临白辰,其人病。 登明临日辰,其人在土上数钱。 大吉临日辰, 在吏家须臾还。

或云在洒家正欲出。 功曹临日辰, 在吏家与长者客语。 一云在家木作不出。 太冲临日辰, 见在门中。 一 云在舍北, 作红车处斫木。

占欲上书奏记见贵人法第四十六

欲上书奏记及见贵人, 皆欲令所见事类神将, 上下自相好, 所临上下相生, 即大吉得福, 非此者凶。 假令上书欲见王者, 天一居

金火土, 而加金火土之辰。 见诸侯, 以太常; 见将军, 以勾陈; 见二千石, 以青龙; 见令长, 以朱雀。 效此非必在日辰阴阳中, 宜视

其事类神将,观其所喜善恶也。所应喜,归母子。

占人奏文书劾事解否及何时来报法第四十七

日辰上得吉神将, 有王相相生, 即为吉。 功曹与吉将并,青龙与吉神并者, 皆吉。 及直用神终见其子, 有救者, 为事解; 无救者,

为不解。 假令望文章所在之乡在南方否?功曹、 登明若青龙在北方下, 为且至。 以功曹、 登明临日辰, 为至期。 法以传终救神,

也。

占词讼吉凶事胜负法第四十八

以日上神为客主,上贼下, 先者胜;下贼上,后者胜。胜者不可令先者年上下相贼, 上下相贼, 虽胜后必败殃。 日辰上下不相贼

两解不斗。假令八月丁巳日时加巳, 年立卯, 功曹加之胜先, 加丁日辰之阳神, 并比和此, 为两解者, 准此。 若欲以长幼, 则知胜负。

告也。 将得勾陈, 以今日长年辰为少壮也。日胜辰, 将得朱雀, 见以斗争事相告也。 当狱讼; 谓争口舌事也。将得玄武, 勾连将得白虎, 长者胜, 谓日胜辰上神也。 忿争至死。 胃辞而亡, 将得腾蛇, 辰胜日少者胜,谓辰胜日上神也。 亦主妄言。 恐死有罪;罪谓被笞也。 假令讼者年立卯, 传送临之, 将得天空, 以日辰上将言之,以知其胜负。 为年上下相贼, 所言非是, 谓以论长短相 先者为客. 假令

占诸吏谋对计簿当见上官知喜怒法第四十九

后者为主

陈, 贼日辰人年上神, 正日时, 卿相、二千石, 视日上得吉神将, 即怒也。 以青龙; 令长, 日辰人年上神贼勾陈, 有王相及休气, 以朱雀; 与日辰人年上下相生, 与所欲见事类神将相生, 则将军不肯见人。 虽不相生, 即喜悦, 即吉。 所言并见听。 假令欲见王者, 不欲相贼。 非此者皆凶。 以天一;诸侯, 假令欲见将军, 以太常; 将军, 勾陈所居神 以勾

占诸欲攻条报隙法第五十

与白虎所居神相贼, 谋者年立辰, 而功曹临之, 无令谋事类神贼谋事者年上神, 则凶; 不相贼, 而白虎所居神贼功曹, 及地下辰, 有王相气, 皆凶。假令诸欲报, 则吉。 王相者, 为贼人年上神, 则谓人年上神将也。谋杀人,以勾陈;盗人,以玄武;谋烧人屋,以 皆凶,不可行也。 谋者之年立寅, 白虎在传送上,此白虎所居神贼人地年也。 假令数人谋系在,各以共年上神, 与所立之辰, 假令

朱雀;匿罪人,以太阴、六合;谋娶妇女, 以天后。 诸所造为事类, 皆欲令贼事。事者, 年上神也。 各取其事类神,三传之终於王相,

为有福;於囚死,为有贼也。他准此。

占诸被贼围邑陷阵客主胜负法第五十一

主俱败也。

若时迫不得不战,

即背小吉击大吉,

此为逆兵也。

天地吟无举兵,

行伐必见围也。

若日暮欲休息者,

兵将常居今日小吉时,

百时, 斗加四季, 利为客, 可先起兵。 斗加四孟, 利为主, 宜后起兵, 兵常背神后击胜先, 大吉也。 斗加四仲, 不可起兵, 客

前三辰是也。 假令正月中大战, 暮欲宿兵, 将军常居卯辰巳宽坐不可伐, 小时常与月建俱也。 他皆仿此

占欲献宝物以遗尊贵知胜吉凶法第五十二

船车、 布物, 米、牛, 令长、丞尉, 今日之辰王相, 貉兔, 以神后; 皮革, 以大吉;鸡、 以太冲; 以朱雀; 又欲今所遗神好辰之上神, 刀兵、 狐、犬,以天魁;豕, 皇后、夫人,以天后;庶人、妇女, 以白虎; 璧玉攫, 田蚕, 以传送; 蛟鱼、 以胜先之类是也。皆不欲令所遗神, 以登明; 及其所奉物类神, 水虫, 羊、 雁、 以神后。 以天罡; 布帛、 酒食, 即见物喜, 此为诸所遗者也。 以小吉; 奴婢、 好之辰上之神将, 衣服, 而爱敬也。假令奉王者, 以太常; 飞乌、 假令欲献妇女物类等, 钱财、 虫蚕, 得天空, 宝物, 以从魁; 以天一;诸侯, 物损而无得。 以青龙; 丝帛, 虎狼、 谓田宅, 野禽, 若相好而受者, 以太常; 以胜先; 以太常; 以功曹; 乃至 谷、

即蒙其福也。

假令三月辛卯日食时,

从魁加辰,

欲遗二千石以璧玉, 功曹为太常临酉,

传送为朱雀临卯,

登明为青龙加午,

青龙为所

遗神, 遗二千石璧玉, 传送为奉物, 传送为所奉之物, 又为辰上神, 又为辰上神, 而青龙所居神好之,二千石必喜所奉物, 而青龙所居神好之, 此为二千石必悦, 必得福报也。神枢曰:假令二月乙卯日午时传送临辰,欲 而受之也。 好之为相生也, 彼人克所贡之物为

贪而受之若畏所贡之物克之则不敢受也。 所谓皆欲令今日之辰王相, 及所贡之物类, 与彼相好, 即悦而受之也。

占求妇女法第五十三

正日时, 视阴中有天后神上下相生, 日上神与辰上神不相克贼, 即可得也。若日神阴阳中无天后神, 天后上神与辰上神相贼者,

不可得也。

占求妇女有两三处此妇女可取谁者为良相宜法第五十四

生, 色赤白,亦柔。 气,为好,而且少也。若天后囚死,为丑老。又神后加孟,长女; 后为天后临亥, 申乡上神得从魁, 欲取, 即取申乡上女为吉。 求其乡上神,有与天后、 以天罡所加之, 欲知妇好丑,天后王相者好, 凡太冲从魁, 午乡上神得小吉,辰乡上神得太一、小吉土,太一火,与天后神相克贼, 神后相生者, 登明、小吉为太阴, 可取也。 囚死者丑也。 假令九月甲子日平旦时, 或用, 加仲, 欲知其颜色者, 此者皆阴翳妇人。之位其人主为再嫁之象 中女;加季, 太冲加寅,求申乡女、午乡女、辰乡女者, 以年上神言之。 少女; 亦柔。 神枢曰: 天后在阳, 以天罡年上神遇火, 独从魁金与天后、 火加金, 或乘王相之 神后 以神 为 相

占夫妇相便安否法第五十五

日辰上神相生, 不睦也。一云: 天后克六合, 注云: 夫妻和睦, 各以其年上神, 与吉将并者, 为留;不和者, 相生即吉, 妻妾安其室。 妇妾将奔随人。 若六合克天后, 相贼即凶。夫年上神贼妻年上神,妻有咎。 为去;皆规日辰。 日辰上下相克, 若吉神, 神将内战者, 自诱他妻妾也。一云:三传内人本命相入者, 善将临日辰, 煎熬不宁。不宁,为不安其家室也。一云: 妻年上神贼夫年上神, 夫有咎。神枢曰: 去与留, 上下相生者为留。 若恶神将临日辰, 为和。反吟不和。 上下相克者, 传送太冲临日辰 一 云: 视喜忧。 为去而

占怀孕为男为女法第五十六

者,

妻妾有二心。一云:大吉传送临日辰,

妻妾爱外人也

生女无疑也。又一法, 正日时, 视时下之辰,与今日比者男。假令甲日时加午, 以天罡占之,天罡加阳为男, 加阴为女。 甲午为比, 旧说云:传送加夫本命, 比者生男。假令今日甲时加未,未为时下之辰无甲未为不比, 妇人游年上得阳神为男, 得阴神为女。

占诸贵人欲救罪人得否法第五十七

下贼上为用,传得其子为救。假令正月丙子日, 而心欲相赚也。假令木神直用, 正日时, 以直神言之, 传得其子, 传得土神,而火在其上,所谓用神得其子。假令正月丙子日,从魁辛亥食时, 即有救。假令木神直用, 从魁加申, 大吉子上贼下为用,子水怀忧,大吉传得功曹,得忧者之子为有救助。 传得水神将, 而火在其上。他效此。传得其胜,其子为将,但许人耳。 登明加辰, 胜先临亥, 用

神终不见,忧者之子忧不解也。

他效此

占居处去留所宜法第五十八

视日辰上神将, 无王相休气上下相克, 宜去。 日辰上神之阴得吉神将, 王相、休气上下相生者,宜留。以阴阳神将言其形状。假

令白虎在阳,以去者;死丧不在阳,可留。他效此。

占诸闻王甲有罪吉凶法第五十九

视日辰阴阳中有其事类,与今日日辰比者,是也。不比者,不是也。假令闻某为盗,今日甲也。 而胜先为玄武, 在日辰阴阳中,

即是也。胜先午有甲, 午为比。太一为玄武无甲, 巳为不比也。 说云: 或闻所议死,若白言所乘神, 与今日合,则死。 与今日比, 亦

死。今日子,子与丑合, 为白虎是也。非此者,皆虚闻。子孙吉凶, 亦同前比合之法。若闻吉事,视青龙与六合临日辰者, 是实也。

非此者,不是。若闻凶事传视白虎所临辰上神占之。得青龙六合与今日比者, 则所闻者不吉,是实也。然此例多不可备举, 并在神枢。

☑五占所闻虚实篇。

占人所造为事成否法第六十

视其事类,在日辰阴阳中, 与日上神相生者, 即吉。若日辰阴阳中,无其事类,又与日上神相克者,不成。假令欲治宅,而大吉、

胜先在阴阳中,与日上神相生,则吉成。非此者,为不成。

占人有忧事得解否法第六十一

加未, 为凶期也。 后临丙, 子无气, 以问事时, 占忧疑。 虽解犹难。 上克下为囚死, 以用神所临地辰所生为吉期, 占之。正日辰, 胜先临亥, 无气不能制有气, 所贼为用, 下贼上, 视日辰上及人年上得吉神将, 火怀忧, 为王相所克, 用神为囚死所贼, 所畏为凶期。 传得小吉, 传得大吉为得其子, 假令胜先临水为用, 小吉火之子, 传得其子, 有王相气、 其子囚死。 而有王气, 其子囚死气, 直用神, 以戊己为吉期, 俱有气为可解, 传得其子为忧解。 为忧两解也。 为忧有解意, 壬癸为凶期。 欲知解期, 其子王相为忧两解。 然亦难。 用神为王相气,所传得其子,其 胜先临金为用, 假令四月丙寅日丑时, 视用神所生为吉期, 假令十月丁亥时 以壬癸为吉 所畏 神

古捕前事得否法第六十二

期,

丙丁为凶期。

他效此

类者, 虎豹, 行时, 欲今日日 辰上神, 以功曹; 鹿兔, 与人年上神贼, 以太冲; 野兽、 所求物神, 豕, 以登明; 即日得。 乌, 以从魁;马, 若物类神, 贼日辰上神, 以胜先。 又害人年上神为凶, 凶即不得也。所谓物

占人始欲带制新衣吉凶法第六十三

正日时, 欲令日辰上得吉神将、有王相气,又令青龙、太常在日辰阴阳中。 阴阳中所居神, 与今日日辰相生者吉。 非此者凶。 纵

青龙、太常不在日辰阴阳中; 宜视青龙、 太常所居神,与今日日辰相生者,亦吉也

占弟子始事师得成达否法第六十四

将神, 忧学不达也。 以今日之辰,占之。日为弟子身, 有王相者, 假令正月丁卯日日 休气上下相生, 出时, 其用神终於吉神将, 辰为所学者时下辰, 登明加卯, 丁为弟子身, 有王相气者吉。 为师, 卯为所学者时下辰。 欲令其子加母时, 无令辰上神上下相贼, 为师, 必见受道成於师。 丁日加卯者, 其发用神又终於神上之墓, 又顺天道, 子从母也。 又欲令日辰上得吉 卯上神上下相生, 而无气者,

占内寄者吉凶法第六十五

用终功曹,

将得金神,

不相刑,

又有王相之气,

此为学者达矣。

其所临日辰伤今日辰也。 若欲寄止於人家, 送加寅之上下克日辰, 欲内他人者, 五行加其所忧, 亥水也。亥遇克丁巳为害主, 内寄者, 无令五行加其所忧, 慎无令时下辰之阳神临日辰皆今日日辰为害辰。 又今日日辰, 神后临行年者, 日辰复在申上被克也。 又各从豹尾来不可, 阳神、 为所临日辰害今日日辰也。 及今日之辰, 主人欲谋危客。 功曹临申, 诸物皆同。 时下者, 阳神所临之地辰, 申为金, 日辰上见天魁白虎者, 诸日所加十二辰也。 辰之阳神者, 贼今日甲寅木, 他准此。 假令十月丁巳日申时, 假令十月甲寅, 其 合, 贼今日日辰, 此为临地辰, 主一贼入家。 主人欲谋杀客。 功曹加申, 皆为害主人。假令九月甲寅日时加酉, 以月将功曹加申, 贼今日日辰也。 假令七月癸已日, 日辰上见登明天空者,主人欲谋诱客, 今日时下支上神也。 此为时下之神害今日之辰也。 太一临亥。 他效此。 太一加此合仿之神。 太一巳之阳神, 谓不欲此支上神, 又式经曰: 内寄者, 谓申上之神传 凡有室宅, 火也; 枢曰: 此为 并宜 令加

急去。若日辰上见吉将、

王相相生者,

并吉, 无他故也

占怪祟恶梦法第六十六

正日 时, 视日辰人年上神将, 有王相休气, 上下相生者吉。 非此者凶。 魁、 罡、 胜蛇、 白虎临日辰人年者凶。 其神将王相忧王事,

死丧囚气主亡遗, 病伏废忧六畜也。 其用神在阳为忧外事, 在阴忧内事, 各以其家人年上神言之。

假令年俱立, 恶将下未, 必俱恶。 以天罡所临, 别加阳忧男, 加阴忧女, 加孟为长, 加仲伤家母, 加季忧小口。 式经云: 神在外,

比邻受殃; 在门, 家人受殃; 在内, 身受殃。又曰:人年日辰上见戌, 犬怪; 见西, 釜鸣; 见申, 兵刀不葬, 鬼 怪; 见木, 墓鬼呼怪;

见午, 马血怪; 见辰巳, 龙蛇怪; 见寅, 乌兽怪; 见丑, 牛畜风尘怪; 见亥, 子猪风怪也。

占知死人魂魄出否法第六十七

圈, 罡、 天地反吟, 即是鬼所居处也。 小吉、 正日时, 临癸在厕。 剩蛇、 虽出复还。 时下辰为死, 又一法, 式 曰: 白虎有鬼。 魁罡临日辰为复, 欲知死人家有余殃已否?正月, 魁罡临甲鬼在门, 加辰上神胜日上神胜日上神及时下辰者, 天罡加阳 重杀非此者, 男坐之; 临乙在户, 加阴, 临丙在堂屋, 皆为出也。 以将加 女坐之; 死时, 加孟, 欲知所牵, 为复杀。 临丁在宠, 魁、 为家长;加仲, 罡加 式经云: 为魁雄为罡也。 笞辰, 临戊在庭及房, 以家长行年加子, 重有死者。 伤家母; 欲知凶鬼在家处所, 临己在确磴, 加季, 欲知在何日月祸至, 忧小口。 若太岁人年命日辰上, 临庚在鸡柄, 天地伏吟, 法视天上鬼星临 视所加日月为 临壬在堵 杀不出; 见魁

阴,

取男为阴,

取女品。

又一法,

欲知雄雌所起,

雌随午,

雄随罡

占葬事法第六十八

法者, 没四维中, 烟火也。假令神后加太岁, 葬大吉。 必先定五行, 祸起之始。 欲知蒿里道, 乃大吉。 若胜先时下辰与今日日不比, 假令十一月乙酉日申时, 推葬日, 常以天罡加太岁月建, 功曹传送下地, 常以魁罡加月建、 是为地中蒿里道, 欲令葬埋, 功曹传送下地, 及推式, 功曹神, 为日加申, 慎无令魁罡临今日日辰, 又勿令白虎临有气之乡, 大吉。 丧其下, 为蒿里道, 下日辰推月吉日, 申为时下辰, 亦吉也。 可葬, 与乙为不比, 为葬埋者择时, 其下大吉。又后世不得蒿里道, 常以魁罡加月建, 太一为白虎。 常令魁、 功曹传送下日定开之日, 罡、 太一火冬死为无气, 即大吉,后乃无咎。 胜蛇、 死不止, 白虎此四神, 无后嗣, 可葬。 不如 比时 藏 绝

占始举事有风雨否法第六十九

胜先、

神后下满成等日,

可娶妇

神, 气非水神者, 阴凶逢雨。 并为早也。 常以始举事时, 庚辛日雨; 欲知旱几时当有雨, 日辰上得阳神将为阳凶, 无雨。 得木神, 正日辰功曹临今日日辰, 气必欲知何时雨者。 甲乙日雨; 以九九算之。假令用神传得大吉,大吉神临子,大吉丑, 得土神, 得阴神将为阴凶。 假令传得登明、 在天一前, 戊己日雨。 若天旱, 即风起矣。 神后, 然得土神, 即雨。 欲知何日雨至?以问时占之。 传送临今日日辰, 虽雨犹旱。 传视其阴得何神, 若得水神, 在天一后, 丑数八, 而知时也。 以壬癸日雨。 其用神传终, 即雨至矣。 子数九,八九七十二,当雨。若大 假令得胜先, 传终无水神, 於有水神上者, 又法, 以丙丁日雨; 得阳凶逢风, 及得土神者, 即有 得金 雨 得

法, 雨止; 亦尔。 虎、 月将加时, 吉临巳, 巳四, 龙所乘神, 魁罡加季, 又法, 加子, 龙在前三、 为阴; 欲知何日 止; 四八三十二日, 有气必有风。 加孟, 加巳午, 雨, 前五者雨, 不止; 以大吉加月朔, 为旱; 龙、 当 雨。 加仲巳,不已。 虎兴云、 在后二、 加神后, 欲知今月雨多少何如?以问时占之。 神后下大雨, 雷并者, 后四者风雨, 雨后有风, 又法, 必有大风雨。 旱虎在前亦风。 月将加月建, 加寅卯, 太冲下小雨。 又云: 见白日。 又法, 视天上壬癸下加地辰, 传送加日辰, 功曹为龙, 又法, 用神传终有水神, 占雨何时止, 以月将加月建, 传送为虎。 在天一后者, 以月将加时, 是晴日。 即雨多; 卯为雷, 辛癸加地下辰, 雨也。 无水神, 壬子所临 子为云, 视魁加四季, 功曹临日辰, 即雨少。 亦雨也 晴 ; 云从龙, 不 求雨亦尔。 又一法, 雨; 在天一后, 风从虎。 加 申, 又 以

占欲入山取物法第七十

太一加寅, 此谓阴凶逢雨将, 正 百时, 登明为朱雀临庚, 视日辰上神阴得吉神将, 得白虎; 逢恶禽兽将, 太一为太常临寅, 王相休气上下相生者吉, 得玄武; 功曹为天后、 为寇盗, 日上神凶者尤甚, 为登明阴, 为得物多矣。 传送为青龙、 阴得凶神将, 辰上神阴 为太一阴, 凶可忍, 囚死上下相贼者即凶, 俱凶大恶。 皆所求得遂。 假令七月庚寅日平旦时, 日辰俱吉者尤吉, 必为阴雨泥涂为败。 俱

占欲入深水渡江河法第七十一

凶者大凶

正日时, 视日辰上得吉神将, 有王相及休气上下相生者, 即吉。反此者,大凶。以风波为败, 谓阴阳也。 假令八月甲子日,天罡

吉欲臧,支干俱伤亦减,并吉也。

加未,

登明为太阴临甲,

从魁为太常临子,

传送为白虎、

为登明,

胜先为青龙、

为从魁,

此为阴也。

神枢云:

支伤干吉更长,

干伤支

占驰使往来信实否法第七十二

奸诈, 太冲、 来否。 主丧。 神与日上神相生者, 支伤径可前, 以使来时占之, 若太一、神后加今日干, 小吉白衣人。神后临卯, 若病人, 不自奸所, 以月将加时, 干伤径不可前。 左右边即奸诈人也。又占,欲逃亡、 时胜日上神, 亦欲如其言也。 视日上辰加功曹, 天罡、 为冤家也。次客,一用起神后,二从魁,三功曹, 又道上望见人,以月将加时, 如其所言。 太阴、天罡临日辰及将军年上, 小吉前, 日胜时上神, 传送、 若刑杀凶神俱加今日干为贼今日至。 支干上不见此神, 战斗, 登明见吏。 所言不实也。 当避太一, 视日上辰加功曹, 若神后、太一, 其言不信。 辰上神亦如所言。 向之败也。 传送为朱雀, 传送登明见吏。若神后、太一,奸人盗贼;魁、 奸人盗贼; 魁、 四登明, 太一正月在子,二月丑,三月寅, 时与日辰相生, 五天罡, 六大吉, 七胜先, 天空加日辰者, 罡, 主丧。 为不来也。 欲来和合也。 若病人, 其言反覆, 望见道上人疑是贼 从魁 八太冲,九传 四月卯, 又云: 辰上 口舌来, 胜 审 先。 罡, 为 贼

黄帝龙首经卷下竟

送,十太一,十一天魁,十二小吉,阳取后三,阴取前五